



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

4 An conscientia erronea, plus obliget, quam præceptum Prælati.

urn:nbn:de:hbz:466:1-39908

- sa, eo genere virtutis, in quo obiectum illud esse proponetur.
- 14** Tertio; Eum, qui facit aliquod opus malum, putans vincibiliter esse bonum, non facere actum bonum; Tum, quia error, siue ignorantia vincibilis non excusat a peccato, cum habeat annexum voluntarium sufficiens ad peccatum, & obligacionem inquirendi. Tum quia conscientia erronea, eo ipso, quod est vincibilis, est culpabilis: Ergo actum ex illa factum non potest reddere bonum.
- 15** Quartò; Eum, qui agit contra conscientiam, ex eo præcisè non peccare peccato aliquo speciali, & contra aliquod præceptum speciale; qui enim hodie sciens, esse diem festum, omittit sacram, non committit duo peccata, vnum quatenus agit contra conscientiam dictantem, audiendum esse sacram, & contra præceptum naturale de non operando contra dictamen conscientiae; aliud verò, qua-
- tenus facit contra præceptum Ecclesiæ, illudque violat; sed vnum solum contra Ecclesiæ præceptum. Ratio autem est, quia, eum nulla virtus, aut præceptum obliget, nisi mediante conscientiae iudicio ac dictamine, quod est immediata nostrarum operationum regula, sequitur, ipsam virtutis ac præcepti notitiam, eandem solum vim obligandi habere, quam habet ipsa virtus ac præceptum, & non aliam; ideoque qui peccat contra conscientiam, non peccare contra duplum regulam, scilicet contra conscientiam, & contra præceptum, sed solum contra ipsum præceptum, sibi per conscientiam, siue veram, siue falsam, propositum; vnde in confessione explicare non tenetur circumstantiam conscientiae, siue veræ, siue erroneæ, sed fatis est dicere, omisi Sacrum. *Valentia tom. 4. disp. 7. quest. 11. pun. 7.*

Q V A E S T I O I V .

An conscientia erronea plus obliget, quam præceptum Prælati.

C A S V S .

MONASTERII cuiusdam Procurator, cum casu Clementis VIII. Constitutionem de muneribus legisset, eiusque moderationem penitus ignoraret, munera quædam Principi, ex Prælati præscripto, qui neque Constitutionis, neque moderationis notitiam habebat, dare recusavit. Quoniam verò Principis fauor erat monasterio tunc maximè necessarius, ne monasterii bona omnino perirent, & Prælatus iudicabat, alia via id obtineri non posse; Procuratori in virtute Sanctæ Obedientiæ

C 3

præce-



præcepit, ut munera sibi iam præscripta, Principi ferret; ille tamen, non obstante præcepto, ferre recusavit; quæritur; virum mortaliter peccauerit.

SVMMARIVM.

- 6 Conscientia obligat non virtute propriâ, sed virtute præcepti, quod repræsentat.
- 7 Conscientia erronea, Prælati præcepto præferenda est, & cur.
- 10 Conscientia erronea obligat nomine Dei.
- 11 Præceptum Superioris regulariter obligat ad conscientiam erroneam depoñendam.
- 12 Conscientia erronea, quid requirat, ut plus obliget quam Prælati præceptum.
- 14 Etiam, quando est vincibilis, strictius obligat, quam præceptum Prælati.

RATIONES DVBITANDI.

2 **V**T magis adhuc conscientiae vis ad obligandum appareat, præsens quæstio proponitur. Videtur autem Procurator mortaliter peccasse. ita Angelus v. conscientia, num. 2. Silvester ibi quæst. 2. Alensis par. 2. qu. 120. memb. 3. ar. 2. S. Antonin. par. 1. tit. 3. cap. 10. §. 4.

3 Et siudetur primò; quia Procurator magis obedire tenebatur præcepto Prælati, quam suæ conscientiae erroneæ; Prælatus enim præcipiebat nomine Dei; & ex potestate à Deo deriuatâ; huius autem nomine, illum non obligabat conscientia erronea; ergo sequendo conscientiam erroneam, eamque præferendo præcepto Prælati, mortaliter peccauit; Prælatus enim Deum repræsentabat, cu-

ius virtute præcipiebat, quem non repræsentabat conscientia erronea.

Secundò; quia præceptum Prælati 4 obligabat Procuratorem, non solum ad rem præceptam exequendam, sed etiam ad conscientiam erroneam deponendam; quocumque enim præceptum, habet vim obligandi, non solum ad vitandam eius transgressionem, sed etiam ad vitandum periculum proximum ipsius transgressionis; & quando de ea dubitatur, ad quærendum, an detur; & ad præsumendum, quod res præcepta sit licita, quandù non apparet oppositum; Cum ergo Procurator, conscientiam erroneam non deposuerit, nec præcepto paruerit, consequenter mortaliter peccauit.

Tertiò; quia, si conscientia erronea, s haberer vim magis obligandi, quam præceptum Prælati, & consequenter ab eius obedientiâ excusandi, aperiretur subditis discolis etiam religiosis via, ad se excusandum ab obedientiâ suorum Prælatorum; Respondere enim semper possent Prælatis præcipientibus, eorum conscientiam illis contrarium dictare; hoc autem in maximum, tam politicæ gubernationis, quam regularis obseruantiae detrimentum redundaret, ut perse patet; maiorem ergo obligandi vim habere debet Prælati præceptum, quam conscientia erronea; ideoque Procurator, illi potius, quam huic obedire debuit, & consequenter, non obediendo, peccauit.

NOTA-



NOTABILE.

ADuertendum est; Conscientiam, obligare, non virtute propriâ, sed solum virtute legis, quam repræsentat, ut dictum est suprà; qu. 1. corol. 2. ipsa enim ex se, non est lex, sed solum est applicatio legis, siue Diuinæ, siue naturalis, siue humanæ ad obligandum, quatenus est conditio essentialiter requisita ad hoc, ut obligent; neque enim leges istæ obligare possent voluntatem, nisi illi ab intellectu per cognitionem proponerentur, cum nihil possit esse volitum, quin præcognitum. Conscientia ergo, leges istas voluntati proponendo, ac repræsentando, illam solum obligationem inducit, quam inducunt ipsæ leges, siue verè, siue falso, à conscientiâ proposita, ita ut, si sit proposita lex diuina, obligatio sit diuina, si repræsentetur lex humana, obligatio sit humana, si repræsentetur lex superior, etiam obligatio sit maior. Hoc posito.

RESOLVTIO.

REsp. Procuratorem, contra Prælati præceptum, ex conscientiâ erroneâ, munera Principi non dando, nullo modo peccasse. *Clavis reg lib. 1. cap. 4. num. 33. Vsq. p. 2. disp. 61. cap. 1. Sanch. in sum. lib. 1. cap. 11. num. 16. Bonac. disp. 2. q. 4. pun. 6. n. 17.*

Probatur primò; quia, Procurator, per errorem inuincibiliter putabat, dare munera Principi, sibi esse illicitum; putabat enim, esse à Pontifice prohibitum; postea autem hoc errore, licetè obedire non poterat Prælato præcipienti, sed te-

nebatur obedire conscientiæ erroneæ; non quia conscientia erronea, ex se, illuminat magis obligaret, sed quia repræsentabat legem Pontificis, quæ illum magis obligabat, quam præceptum Prælati, eo quod Pontifex esset eius superior; obediendo ergo conscientiæ erroneæ in hoc casu, nullo modo peccauit; sic enim obediuit Pontifici, cui magis tenebatur obedire, quam Prælato.

Secundò; Quia, si Procurator per errorē inuincibiliter putasset, Prælati Vicarium prohibuisse, ne darentur munera Principi, peccasset, si Prælato præcipiente dare munera, non dedisset; ergo etiam peccasset, si positâ erroneâ apprehensione Pontificiæ prohibitionis, Prælato præcipiente, dedisset; ideoque non dando, peccare non potuit: ideo enim in primo casu peccasset, quia magis tenebatur obedire Prælato, quam eius Vicario; sed etiam magis tenebatur obedire Pontifici, quam Prælato; ergo etiam, in secundo casu, peccasset, & consequenter, obediendo præcepto Pontificio per errorem apprehenso, non peccauit.

OBICTIONVM SOLVTIO.

AD rationes autem in contrarium respondetur, ad primam; etiam conscientiam erroneam obligasse Procuratorem, mediatis nomine Dei, quatenus, licet falso, repræsentabat tamen legem Pontificis, qui ipse quoque præcipiebat nomine Dei; & quia Pontifex superior erat Prælato, ideo conscientia, legem Pontificis repræsentans, obligare magis potuit, quam præceptum Prælati.

Ad 2. Respondetur; regulariter loquendo,

quendo, præceptum Superioris, obligare etiam ad deponendam conscientiam erroneam, vel ad inquisitionem faciendam, quia dat sufficiens fundamentum dubitandi circa rem præceptam, quod sit licita; posito autem dubio, iam conscientia erronea non est amplius inuincibilis, & excusabilis, sed vincibilis, ac culpabilis, donec debita adhibeatur diligentia ad dubium vincendum; haec enim adhibita, si dubium vinci non possit, iam conscientia erronea iterum censetur inuincibilis, & inculpabilis, sicut erat, antequam dubium occurreret. In casu autem præsenti, error erat omnino inuincibilis, quia à Prælato tolli non poterat, cum Prælatus ignoraret moderationem Constitutionis non minus, quam ipse Procurator; quando autem est omnino inuincibilis, præceptum Prælati obligare non potest ad illum deponendum, alioqui iam non esset inuincibilis.

12. Ad 3. Negatur sequela: neque enim qualibet conscientia erronea fatua est sufficiens ad excusandum ab obedientiâ Prælati, sed requiritur primò, ut conscientia erronea repræsentet legem aliquam superiorem lege Prælati præcipiens; secundò, ut sit inuincibilis, & per Prælati præceptum tolli non possit; ex eo autem, quod conscientia, hoc modo erronea excusat ab obedientiâ Prælati, nullum sequitur inconveniens, nec illa discolis aperitur via ad se excusandum; ipsis enim semper incumbit onus probandi, & ostendendi, quod eorum conscientia erronea sit inuincibilis, ita ut Prælato præcipienti credere, & eius præcepto se conformare non possint.

COROLLARIA:

C Olligitur ex dictis primò; conscientiam, quando inuincibiliter errat, plus, hoc est strictius obligare, secundum se, quam Prælati præceptum, ceteris paribus, quia, qui conscientiam inuincibiliter errantem sequitur, non peccat; qui autem tunc Prælati præcepto obedit, peccat contra illius conscientiae dictamen, quandiu illud non deponit.

Secundo; conscientiam, etiam quando culpabiliter errat, adhuc strictius, hoc est, sub grauiori culpâ obligare, quam Prælati præceptam; tum quia agens contra conscientiam peccat contra proximam regulam actionum humarum, & quâ solùm mediante, præcepta quæcumque vim habent obligandi; tum quia peccat etiam directè contra Dei præceptum de non agendo contra propriam conscientiam; illud enim directè violat, contra conscientiam erroneam operando; Prælato autem non obediendo, frangit directè solùm præceptum humanum; & quamvis indirectè transgrediatur etiam præceptum Dei, quatenus Prælatus eius nomine præcipit; hanc transgressionem non vult directè, sed solùm indirectè, quatenus culpabiliter errat.

Tertiò; quando conscientia erronea est vincibilis, tunc Prælati præceptum obligare, non solùm ad obediendum, sed etiam ad talem conscientiam deponendum; cum enim vincibilis sit, deponere potest, & aliunde ejus depositio ad obedientiam præcepti est omnino necessaria; præceptum autem obligans ad finem, obligat etiam ad media ad talem finem necessaria.

QVAE-